

# BESTELAKO XEDAPENAK

## ENPLEGU ETA GIZARTE POLITIKETAKO SAILA

### 3781

*AGINDUA, 2016ko uztailaren 8koa, Enplegu eta Gizarte Politiketako sailburuarena. Horren bidez, hiri-ingurunean zein eraikinetan irisgarritasuna bermatuko duten hobekuntza-obra egiteko eta irisgarritasun-planak egin eta eguneratzeko udalentsako, toki-erakunde txikientzako eta xede soziala duten onura publikoko erakunde pribatuentzako diru-laguntzak arautzen dira, eta horietarako, 2016ko ekitaldirako deialdia egiten da.*

Irisgarritasuna sustatzen duen abenduaren 4ko 20/1997 Legeak ezarri du, dagoeneko titularitate, erabilera edo zerbitzu publikoetakoak diren hiri-inguruneetako, espazio publikoetako, eraikinetako, garraioetako eta informazio-sistemetako irisgarritasuna bermatzeko eta sustatzeko tresna gisa udalek eta toki erakunde txikiek, beste hainbaten artean, lau urterako programak egin behar dituztela. Programen helburua elementu horiek legean eta bere garapen-arauetan aurreikusitako irisgarritasun-baldintzetara egokitzea da.

Aipatutako legean ere adierazi da Eusko Jaurlaritzak, foru-aldundiek eta udalek irisgarritasuna sustatzeko behar diren sustapen-neurriak hartzea bultzatuko dutela. Diruz laguntzeko moduko programetan, lehenetsuneko jardun gisa ezarriko da hiri-inguruneak, espazio publikoak, eraikinak, garraio-bideak eta komunikazio-sistemak irisgarritasun-baldintzetara egokitzeko obrak finantzatzea.

20/97 Legean ezarritako helburuetako bat ingurunea antolatzea da, herritar oro berdin eta ahal denik eta independenteen moldatu dadin, pertsonen beharrak instalazioetan integratuta, guzti-guztiek normaltasunez erabil ditzaten, hori baita Europako irisgarritasun-kontzeptuan bildutako diseinu unibertsalaren oinarria.

Hori dela eta, Enplegu eta Gizarte Politiketako Sailak beharrezko jotzen du laguntza-lerro bat ezartzea udalentsat, toki erakunde txikientzat eta xede soziala duten onura publikoko erakunde pribatuentzat, lehenago adierazitako programak prestatzea eta eguneratzea sustatzeko.

#### XEDATZEN DUT:

##### 1. artikulua.– Xedea.

Agindu honen xedea 2016ko deialdia egitea eta erregimena arautzea da, honako helburu hauek dituzten diru-laguntzak emateko: 1) Irisgarritasun-planak egin eta eguneratzea, hiri-inguruneak, espazio publikoak, eraikinak, garraio-bideak eta komunikazio-sistemak pixkanaka egokitzeko abenduaren 4ko 20/1997 Legean eta haren garapen-arauetan aurreikusitako irisgarritasun-baldintzetara; 2) Udalen eta toki erakunde txikien irisgarritasun-planetan jasotako hobekuntza-lanak egitea Euskal Autonomia Erkidegoko hiri-ingurunean eta eraikinetan irisgarritasuna bermatzeko, eta, xede soziala duten onura publikoko erakunde pribatuen kasuan, hobekuntza-lanak egitea; eta 3) Igogailu eta jasogailuak erosi eta instalatzea Euskal Autonomia Erkidegoko hiri-ingurunean eta eraikinetan irisgarritasuna bermatzeko, betiere udalen eta toki erakunde txikien irisgarritasun-planetan jasotakoaren arabera.

Irisgarritasun-planek eta horien eguneratzeek gain, honako jarduketak hauek hartuko dira aintzat:

– Eraikinetako irisgarritasuna (horizontala eta bertikala, igogailuak eta plataforma jasotzaileak, atak, eskudelak, bainugela eta aldagela egokituak):

- Ibiak, arrapala ez-mekanikoak eta eskudelak sortzea.
- Hiri-izaerako igogailuak eta plataforma jasotzaileak.
- Mugikortasun urriko pertsonentzat aparkaleku-plazak erreserbatzea.
- Eraikinetako seinaleak eta ekipamendua egokitzea.
- Kaleak urbanizatzea (plataforma bakarreko kaleak, espaloiak zabaltzea, oinezkoen ibilbideak murrizteko igarobideak, eta zuhaitz-txorokoak ixtea).

## 2. artikulua.– Erakunde onuradunak.

1.– Diru-laguntza hauek jasotzeko aukera izango dute Euskal Autonomia Erkidegoko udalek, toki-erakunde autonomoek, toki-erakunde txikiek eta xede sozial nabaria duten onura publikoko erakunde pribatuek, betiere aurreko artikuluan zehaztutako jarduketak garatzea eta burutzea baldin badute helburu.

Xede sozial nabaria duten onura publikoko erakunde pribatutzat hartuko dira Onura publikoko elkarteei eta beren babeslaritzari buruzko Erregelamendua onartzen duen uztailaren 29ko 146/2008 Dekretuaren arabera onura publikoko aitortza duten elkarteak, Euskal Autonomia Erkidegoko Elkarteen Erregistroan inskribatuta daudenak, eta Euskal Autonomia Erkidegoko Fundazioen Erregistroan inskribatuta dauden fundazioak, Euskal Autonomia Erkidegoko Fundazioen Erregistroaren Erregelamendua onartzen duen ekainaren 19ko 101/2007 Dekretuan ezarritakoarekin bat etorritik.

2.– Ezingo dira onuradun izan Diru-laguntzei buruzko azaroaren 17ko 38/2003 Lege Orokorren 13. artikuluan aipatutako egoeren batean dauden erakundeak.

3.– Ezingo dira onuradun izan laguntza publikoak jasotzea eragozten dion legezko debekua dutenak, sexu-bereizkeriagatiko debekuak barne, Emakumeen eta Gizonen Berdintasunerako otsailaren 18ko 4/2005 Legearen azken xedapenetatik seigarrenean ezarritakoarekin bat etorritik.

4.– Orobat, agindu honetan araututako laguntzak eman, eta, hala behar badu, ordaindu ahal izateko, amaituta egon beharko dute Euskal Autonomia Erkidegoko Administrazio Orokorrek edo haren erakunde autonomoek emandako izaera bereko laguntzen edo diru-laguntzen esparruan hasi diren itzultze- edo zehapen-prozedura guztiek, prozedura horiek oraindik izapidetze-aldian badaude, behintzat.

## 3. artikulua.– Eskaerak aurkezteko tokia eta epea.

Erakunde onuradun bakoitzak eskabide bat aurkeztu behar du jardun bakoitzeko.

Enplegu eta Gizarte Politiketako Sailaren Etxebizitza Zuzendaritzara bidali beharko dira eskaerak (Donostia kalea 1, 01010 Vitoria-Gasteiz). Sail horren Erregistro Orokorrean aurkeztu beharko dira, edo Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legearen 38.4 artikuluan ezarri diren bideetarik edozein erabili ahal izango da eskaerak aurkezteko. Eskabide-eredua agindu honen eranskinean ageri da, bai eta jardunaren datuak emateko eredua ere.

Eskaerak aurkezteko, halaber, bitarteko elektronikoak erabili ahal izango dira, euskadi.net-en egoitza elektronikoa honetan: (<https://www.euskadi.net/2016/irisgarritasuna/y22-izapide/eu>).

Eskabideak aurkezteko epea hilabetekoa izango da, agindu hau Euskal Herriko Agintaritzaren Aldizkarian argitaratu eta biharamunetik aurrera.

Eskabidea izapidetzeko eta agiriak aurkezteko bide bat edo bestea erabiltzeak ez du behartzen aurrerantzean ere prozedurako gainerako izapideak egiteko bide bera erabiltzera, eta edozein momentutan alda daiteke aukeratutako bidea.

Eskaeraren ondorengo izapideak, bide elektroniko bidez egin nahi badira, euskadi.net/Nire kudeaketak atalaren bidez egingo dira.

4. artikulua.– Laguntzak kudeatzeko organoa.

Agindu honen arabera emandako diru-laguntzen kudeaketa-lanak, Enplegu eta Gizarte Politike-tako Sailaren Etxebizitza Zuzendaritzak egin behar ditu.

5. artikulua.– Aurkeztutako eskabidean egindako akatsak zuzentzea.

Aurkeztutako eskaeran akatsen edo hutsegiteren bat dagoela atzematen badu Etxebizitza Zuzendaritzak, eskatzaileari jakinaraziko dio eta hamar eguneko epea emango dio arazoa konpontzeko; hala egin ezean, eta 30/1992 Legearen 42. artikuluan ezarritakoaren arabera ebazpena eman ondoren, bere eskaeran atzera egin duela joko da. (30/1992 Legea, azaroaren 26koa, Herri Administrazioen Araubide Juridikoarena eta Administrazio Prozedura Erkidearena).

6. artikulua.– Balorazio-epaimahaia.

1.– Aurkeztutako eskabideak aztertzeke eta egiaztatzeke, honako pertsona hauek osatuko duten balorazio-epaimahai bat eratuko da:

– Etxebizitzako zuzendaria (edo Etxebizitzako sailburuordeak izendatutako ordezkoa); batzordeburu jardungo du.

– Proiektu, Obra eta Gainbegiratze Zerbitzuko burua (edo Etxebizitzako sailburuordeak izendatutako ordezkoa).

– Horretarako izendatutako Etxebizitza Zuzendaritzako teknikaria (edo hura ordeztzen duen pertsona, Etxebizitzako sailburuordeak izendatua); idazkari jardungo du.

2.– Epaimahaiak dagokion ebazpen-proposamena igorriko dio Etxebizitzako sailburuordeari, agindu honen 19.2 artikuluaaren arabera eskaera bakoitza aztertu eta egiaztatu ondoren.

7. artikulua.– Eskatutako irisgarritasun-aurrekontua.

1.– Eskatutako irisgarritasun-aurrekontutzat hartuko da egokitzapen ekipamendurako aurkeztutako plan-, obra- eta instalazio-aurrekontua, zergak eta tasak alde batera utzita, bider jardunaren arabera aplikagarri den irisgarritasun-koefizientea.

2.– Jardunaren arabera aplikagarri diren gehieneko koefizienteak:

– Irisgarritasun-plana: Koef. = 1.

– Eraikinetako irisgarritasuna (horizontala eta bertikala, igogailuak eta plataforma jasotzaileak, atek, eskudelak, bainugela eta aldagela egokituak): Koef. = 1.

– Ibiak, arrapala ez-mekanikoak eta eskudelak sortzea: Koef. = 1.

– Hiri-izaerako igogailuak eta plataforma jasotzaileak: Koef. = 0,7.

– Mugikortasun urriko pertsonentzat aparkaleku-plazak erreserbatzea. Koef. = 0,5.

– Eraikinetako seinaleak eta ekipamendua egokitzea. Koef. = 0,5.

– Kaleak urbanizatzea (plataforma bakarreko kaleak, espaloiak zabaltzea, oinezkoen ibilbideak murrizteko igarobideak, eta zuhaitz-txorokoak ixtea): Koef. = 0.4.

3.– Agindu honen babesean emango diren laguntzak kalkulatzeko, eskatu den gehienezko irisgarritasun-aurrekontuaren gehienezko zenbatekoa –erakunde batek eskatutako irisgarritasun-aurrekontuen batuketaren emaitzatik ateratzen dena– 300.000 eurokoa izango da.

8. artikulua.– Diruz lagundu daitekeen gehieneko irisgarritasun-aurrekontua.

Diruz lagundu daitekeen irisgarritasun-aurrekontua, gehienez, eskatutako irisgarritasun-aurrekontuaren % 50 izango da. Irisgarritasun-planen edo haien eguneratzeen kasuan, berriz, % 75 izango da. Halaber, degradatutako eremu deklaratuetan edo birgaitze integratukoetan kokatzen diren lanek, eskatutako irisgarritasun-aurrekontuaren % 60ko diru-laguntza jaso ahal izango dute gehienez.

9. artikulua.– Beste diru-laguntza batzuekiko bateragarritasuna.

Laguntza hauen emakida bateragarria izango da helburu berbera duten fondo publikoen edo pribatuen kargura jaso daitekeen beste edozein laguntzarekin. Hala ere, helburu berbererako jasotako laguntzen zenbateko osoa eta deialdi honetan emandako diru-laguntzaren kopurua batuta, azken kostu osoa baino handiagoa bada, gehiegizko kopuru hori kenduko zaio deialdi honen bidez emandako laguntzari.

Diru-laguntza hauek ez dira bateragarriak izango Etxebizitza Sailburuordetzak jardun bererako emandako beste laguntza batzuekin.

10. artikulua.– Ebazpena, errekursoak, ebazteko eta jakinarazteko epeak, jakinarazteko modua eta publikotasun-prozedura.

1.– Deialdi honetara aurkezten diren eskabideak prozedura bakar baten bidez izapidetuko dira, eta prozedura hori ebaztea, erakunde interesdunek planteatutako gai guztiak erabakita, Etxebizitzako sailburuordeari dagokio, betiere balorazio-epaimahaiaren proposamenez. Ebazpena hartzeko epea gehienez sei hilabetekoa izango da, agindua indarrean jartzen denetik hasita.

2.– Ebazpenean laguntza eman den edo ez zehaztuko da, hala gertatzen den kasuan, eta eman denean, zein erakundek jaso duen, zein den laguntza jaso duen proiektua eta zenbateko laguntza jaso duen zehaztuko dira. Eskabide ukatuen kasuan, ukatze horren zergatiak ere adierazi beharko dira.

3.–Aurreko paragrafoan aipatzen den ebazpenak ez dio amaierarik ematen administrazio-bideari, eta, beraren aurka, gorako errekurtsua jarri diezaiokete interesdunek Enplegu eta Gizarte Politike-tako sailburuari, hilabeteko epean, jakinarazpenaren egunaren biharamunetik hasita, betiere Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legearen 114. eta 115. artikuluetan ezarritakoari jarraituz.

4.– Ebazpena banan-banan jakinaraziko zaie erakunde onuradunei. Dena den, jendeak horren berri izan dezan, Euskal Herriko Agintaritzaren Aldizkarian argitaratuko da erakunde onuradunen zerrenda, eman zaien diru-laguntza eta diruz lagundutako inbertsio-proiektua adierazita.

5.– Ebazpena erakunde interesdunei jakinarazteko epea inolako jakinarazpenik egin gabe bukatu bada, laguntza-eskabidea ezetsi dela ulertu beharko dute interesdunek, Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legearen 44.1 artikuluan ezarritakoaren ondorioetarako.

11. artikulua.— Erakunde onuradunen betebeharrak eta diru-laguntzak emateko bestelako baldintzak.

Agindu honetan araututako diru-laguntzen erakunde onuradunek honako baldintzak bete beharko dituzte, Diru-laguntzei buruzko Lege Orokorraren 14. artikuluaaren arabera:

a) Emandako diru-laguntza onartzea. Diru-laguntza eman zaiela jakinarazten dien idazkia jaso eta hamabost eguneko epean erakunde onuradunek ukoa idatziz eta berariaz adierazten ez badute, diru-laguntza onartu dutela ulertuko da.

b) Diru-laguntza bere xede zehatzerako erabiltzea, hau da, irisgarritasun-programa idazteko eta irisgarritasunaren hobekuntza-obra giteko.

c) Organo emaileak, Kontrol Ekonomikoko Bulegoak eta Herri Kontuen Euskal Epaitegiak egin beharreko egiaztatze-jarduketan eraginpean jartzea, baita eskumeneko kontrol-organoek –nazionalak edo erkidegokoak– egin dezaketen bestelako egiaztapen- eta kontrol-jardun finantzarioaren azpian ere, aurreko jardun horietarako eskatzen den informazio guztia emanez.

d) Organo emaileari jakinaraztea diruz lagundutako jarduera finantzatzeko bestelako diru-laguntzak, laguntzak, sarrerak edo baliabideak eskuratu izana. Jakin bezain laster egin beharko da jakinarazpen hori, eta, betiere, jasotako funtsen erabilpena justifikatu baino lehen.

e) Diru-laguntza emateko ebazpen-proposamena eman aurretik egiaztatzea zerga-betebeharrak eta Gizarte Segurantzarekiko betebeharrak bete dituela.

f) Diru-laguntza emateko ebazpen-proposamena eman aurretik egiaztatzea egunean dituela diru-laguntzak itzultzeko betekizunen ordainketak.

g) Jasotako diru-laguntzen publizitatea egitea, aipatu 38/2003 Legearen 18. artikuluari jarraituz. Publizitatea egiteko, onuradunak jasotako diru-laguntzaren berri eman beharko du bere web orrian; horrez gain, diru-laguntza ematean beste publizitate motaren bat zehaztu ahalko da, jarduketaren izaera eta ezaugarrien arabera.

h) Erakunde onuraduna udal, toki-erakunde autonomo edo toki-erakunde txiki bat bada, dagokion udalak kasuan kasuko udalerriko irisgarritasun-arloko salbuespenen zerrenda egina izan beharko du, betiere apirilaren 11ko 68/2000 Dekretuaren 5. eranskineko 3. artikuluaaren 3.3 paragrafoan ezarritakoari jarraituz.

i) Erakunde onuraduna udal, toki-erakunde autonomo edo toki-erakunde txiki bat bada, dagokion udala Euskal Autonomia Erkidegoko Eraikinen Ikuskapen Teknikoen erregistroan alta emanda egon beharko da.

12.— Artikulua.— Diru-laguntzen baldintzak aldatzea.

Baldin eta aldatzen badira diru-laguntza emateko kontuan hartutako baldintzak, eta, edozein ere, beste administrazio edo erakunde publiko nahiz pribatu batzuetatik beste diru-laguntza batzuk edo bestelako laguntza batzuk jasotzen badira, edota, kasua bada, helburu bererako beste diru-sarrera zein baliabide batzuk eskuratzen badira, emate-ebazpena aldatu ahal izango da; betiere, diru-laguntzen onuradun izateko arauetan jarritako gutxieneko baldintzak betetzen badira, ez badio oinarrizko alderdiei edo laguntza emateko erabakigarriak diren alderdiei edo onuradun nor izango den erabakiari eragiten edo hirugarrenen eskubideei kalterik egiten.

13. artikulua.— Emandako laguntzaren zenbatekoa aldatzea.

Inbertsioaren behin betiko benetako kostua diru-laguntza emateko oinarritzat hartutako aurrekontua baino gutxiago bada, diru-laguntzaren zenbatekoa bidezko proportzioan murriztuko da, eta gero diru-laguntzaren ehuneko oinarri berriari aplikatuko zaio.

#### 14. artikulua.– Proiektuak aldatzea.

1.– Hasiera batean aurreikusi eta ebazpen bidez onetsi ziren gastu edo jardueratan aldaketarik egin nahi izanez gero, dena delako jarduera gauzatu aurretik eskatu beharko da aldaketa, eta Etxebizitzako sailburuordeari egokituko zaio eskaria berariaz onartu edo atzera botatzea.

2.– Aldaketak ezingo du inola ere jardueraren izaera aldatu.

3.– Salbuespenez, Etxebizitzako sailburuordeak onar dezake diruz lagundutako jarduna egiteko eta amaitzeko epea zabaltzea, baldin eta tartean erakunde onuradunaren borondatezkoak ez diren eta behar bezala justifikatuta dauden arrazoiak badira, eta ezarritako exekuzio-epea amaitu baino lehen idatziz eskatu bada. Nolanahi ere, zabaltze hori ezin izango da izan hasiera batean erabakitako epea baino handiagoa.

4.– Diru-laguntzaren erakunde onuradunak justifikazioan adierazten badu diru-laguntza emateko kontuan hartu ziren baldintzak aldatu direla eta litekeena dela aldaketa horrek ebazpena bera ere aldaraztea, Euskal Autonomia Erkidegoko Ogasun Nagusiaren Antolarauei buruzko Legearen Testu Bateginaren 49.12 artikulua xedatzen duenaren indarrez, eta aldaketok onartzeko aurrez behar den baimen-tramitea ez denez egin, diru-laguntza eman duen organoaren esku geratuko da aurkeztutako justifikazioa ontzat ematea, betiere hori eginda beste inoren eskubideei kalte egiten ez bazaie.

5.– Diru-laguntza eman duen organoak egiaztapen-egintzan aldaketak onartzeak ez dakar berekin onuraduna bidezko zehapenetatik salbuetsita geratzea.

#### 15. artikulua.– Betebeharrak ez betetzea eta itzultzeko prozedura.

1.– Erakunde onuradunak Enplegu eta Gizarte Politiketako Sailaren diru-laguntza eskatu eta eman zen xederako erabiltzen ez badu, diru-laguntzaren oinarria den ekintza egiten ez badu, diru-laguntza eskatuta lortu nahi ziren helburu zehatzetara aplikatu izana justifikatzen ez badu, edo justifikazioa ez bada nahikoa, edo, oro har, betetzen ez baditu Diru-laguntzei buruzko Lege Orokorraren 37. artikuluan, azaroaren 11ko 1/1997 Legegintzako Dekretuan, agindu honetan edo emate-ebazpenean ezarritako betebeharrak, emandako eta jasotako diru-kopurua itzuli beharko du legezko interes aplikagarriekin batera, Euskal Autonomia Erkidegoko Aurrekontu Orokorren kargurako diru-laguntzen berme eta itzultzeen erregimen orokorra arautzen duen abenduaren 17ko 698/1991 Dekretuan horretarako ezarritako prozedurari jarraikiz.

2.– Onuradunak ia guztiz betetzen baditu bere betebeharrak, eta, ekintzaz, argi eta garbi erakusten badu hartutako konpromisoak betetzeko borondatea, itzuli beharreko kopurua Diru-laguntzei buruzko Lege Orokorraren 17.3.n) artikuluan zehazten diren irizpideen arabera ezarriko da, edo, hala badagokio, diru-laguntzak arautzen dituen araudi autonomikoan ezarritakoaren arabera.

3.– Era berean, Diru-laguntzei buruzko Lege Orokorraren 19.3 artikuluan jasotako kasuan bidezkoa izango da diruz lagundutako jarduera-kostuaren gainetik lortutako gaindikina itzularaztea eta dagokion berandutze-interesa exijitzea.

#### 16. artikulua.– Aurrekontu-zuzkidura.

Adierazitako diru-laguntzetarako, 3.000.000 euro esleituta daude guztira. Horietatik, 150.000 euro 2016. urtekoak dira; 1.850.000 euro, 2017. urtekoak; eta 1.000.000 euro 2018koak.

17. artikulua.– Diru-laguntzak jaso ditzaketen jardunak eta inbertsioak.

1.– Diruz lagunduko dira entitate onuradunek, behar diren kontratuen bidez, irisgarritasun-plan berriak prestatzeko eta idazteko egindako lanak edo haiek eguneratzeko egindakoak (lehenengo artikuluan daude aipatuta). Era berean, idatzitako irisgarritasun-planetan jasotako obrak betearazteari eta egokitzapen-ekipamendua erosi eta instalatzeari buruzko jardunak diruz laguntzeko modukotzat joko dira, lehenengo artikuluan adierazitako helburua badute.

Kasu guztietan, diru-laguntza jaso dezaketen jardunak 2016ko urtarriletik aurrera hasi beharko dira, eta 2017ko azaroaren 15era arteko gehieneko epea dago jarduketak gauzatzeko, planen kasuan, eta 2018ko urriaren 31 artekoa obren kasuan.

Jardunak bukatzeko epean atzerapenik izanez gero, epea zabaltzeko eskatu beharko da inbertsioak gauzatzeko gehieneko epea amaitu baino lehen. Eskaeran, gainera, atzerapena eragin duten arrazoiak justifikatu beharko dira, eta litekeena da aldaketa horrek diru-laguntza ematea onartu zuen ebazpenaren aldaketa eragitea.

2.– Diru-laguntzaren xede diren irisgarritasun-planekin batera, honako dokumentazio hau aurkeztu beharko da, gutxienez:

a) Egokitu beharreko komunikazioaren, garraioaren, eraikinaren eta kanpoko espazioen inbentarioa.

b) Jardunen lehentasun-ordena.

c) Programa ekonomikoa eta finantzarioa, egokitzapenak egitera zuzendutako aurreikuspen ekonomikoak zehaztuta.

d) Egokitzapenak egiteko egutegia.

18. artikulua.– Dokumentazioa.

1.– Eskaera kasuan kasuko udaleko alkateak izenpetu beharko du, edo, bestela, erakundearen legezko ordezkariak, betiere agindu honen eranskinean ageri den eskabide-ereduari jarraituz.

Jardun bakoitza eskaera baten bidez aurkeztu beharko da, modu indibidualean.

2.– Diru-laguntzaren eskaera aurkezteaz batera, eskatzaileek baimena ematen diote organo emailari zuzenean egiaztatu dezan, ziurtagiri telematikoen bidez, zerga-betebeharrak eta Gizarte Segurantzarekikoak egunean ordainduta dituztela. Hartara, eskatzaileek ez dute ziurtagiririk aurkeztu beharrik izango.

Nolanahi ere, eskatzaileek berariaz ukatu dezakete baimen hori, eta, hala eginez gero, ziurtagiriak aurkeztu beharko dituzte aurreko paragrafoetan ezarritako eran.

3.– Eskaerarekin batera, eta horrela dagokionean, honako dokumentazio hau aurkeztuko da:

– Udal bakoitzak udal-zerbitzuen txosten bat aurkeztuko du, irisgarritasun-arloan deialdi honen aurreko urtean onartutako salbuespenei buruzkoa, justifikazioarekin batera, betiere 68/2000 Dekretuaren V. eranskineko 3. artikulua 3.3 paragrafoan xedatutakoa betetzen dela egiaztatzeko.

– Diru-laguntzak itzultzeko betekizunen ordainketak egunean izateari buruzko erantzukizunpeko aitortpena.

3.1.– Irisgarritasun-planetarako:

a) Plana, edo horren eguneratzea, egiteko eta idazteko gastu-aurrekontua.

3.2.– Hiri-ingurunean eta erakinetan irisgarritasuna bermatzeko hobekuntza-obretarako eta egokitzapen-ekipamendua eskuratu eta instalatzeko obretarako –betiere jadanik idatzitako irisgarritasun-planetan bilduta badaude–:

a) Diru-laguntzaren bidez finantzatu nahi diren jardunek eta/edo inbertsioek eragindako gastuen aurrekontu banakatua. Justifikatu beharko da, halaber, nola aplikatu diren irisgarritasun-aurrekontua kalkulatzeko koefizienteak.

b) Egin beharreko jardunen deskribapen xehatua, 1/1000 gutxienerako eskalan egin beharreko jardunaren hiri-ingurunearen egoera-planoa, 1/1000 gutxienerako eskalan egin beharreko planta, aurretiko bista eta sekzioen plano deskribatzaileak eta jardun-arloaren egungo egoeraren argazki deskribatzaileak. Energia aurrezteko eta ingurumena babesteko konponbide berritzaileen zehaztapena, halakorik izanez gero.

c) Teknikari eskudunak emandako ziurtagiria, non zehazten baita aurreikusiriko jardunak egokitzatzen direla irisgarritasunaren sustapenaren arloan indarrean dagoen araudiak eskaturiko eskakizun eta irizpideetara.

d) Erakunde pribatuen kasuan izan ezik, onartu den irisgarritasun-planeko zatiaren fotokopia, non jasoko baita diru-laguntza eskatzeko oinarri den obra eta irisgarritasun-planaren kopia bat, formatu digitalean, baldin eta aurreko deialdietan ez bada aurkeztu.

e) Argazki-dokumentazioa, paperean eta formatu digitalean (jpg formatuan), egin beharreko obrari buruzkoa eta diruz lagunduko den jardunaren xede den inguruneari buruzkoa.

f) Horrela dagokionean, eremu degradatuaren deklarazioa, edo birgaikuntza integraleko eremuarena.

g) Xede soziala duten onura publikoko erakunde pribatuen kasuan, lehenago aipatutako dokumentazioaz gain, honako hauek aurkeztu beharko dira:

– Elkarteen kasuan, onura publikoko aitortzari buruzko ziurtagiria aurkeztu beharko dute, Onura publikoko elkarteei eta beren babeslaritzari buruzko erregelamendua onartzen duen uztailaren 29ko 146/2008 Dekretuan ezarritakoari jarraikiz, eta Euskal Autonomia Erkidegoko Elkarteen Erregistroan inskribatuta daudela dioen ziurtagiria; fundazioen kasuan, berriz, Euskal Autonomia Erkidegoko Fundazioen Erregistroan inskribatuta daudela egiaztatzen duen agiria aurkeztu beharko dute, Euskal Autonomia Erkidegoko Fundazioen Erregistroaren Erregelamendua onartzen duen ekainaren 19ko 101/2007 Dekretuan ezarritakoarekin bat etorriz. Elkarrekin nahiz fundazioek justifikatu beharko dute zein den euren xede soziala.

– Erakundeari bere xedeak garatze aldera eraikina erabiltzeko ahalmena ematen dion tituluaren fotokopia.

h) eraikinen kasuan, diru-laguntza publikoak jaso ahal izateko honako arau hauek bete behar dira: Etxebizitzari buruzko ekainaren 18ko 3/2015 Legea, Euskal Autonomia Erkidegoko eraikinen ikuskapen teknikoa arautzen duen dekretua aldatu zuen maiatzaren 20ko 80/2014 Dekretua eta haren laugarren xedapen gehigarria, EIT Eraikinen Ikuskapen Teknikoa egiteko derrigortasunari buruzkoa. Egituraren eta eraikuntzaren aldetik egokituta ez dauden eraikinek ezin izango dute diru-laguntza jaso, EITn eskatzen edo gomendatzen diren baldintza horiek lortzeko obrak jarduketaren barruan sartzen ez badituzte.



19. artikulua.– Diru-laguntzak esleitzeko prozedura eta irizpideak.

1.– Oro har, agindu honetan ezarritako baldintzak betetzen dituzten proiektu guztiak diruz laguntzeko modukotzat joko dira.

2.– Epaimahaiak aztertu egingo ditu aurkeztu diren eskaerak, jardunak agindu honetako 1. artikuluan finkaturiko xedera egokitzen diren ala ez zehazteko, eta aginduaren 7.2 artikuluan bildutako koefizienteak zuzen aplikatu diren egiaztatzeko.

20. artikulua.– Diru-laguntzen zenbatekoa.

Kasu bakoitzean eman beharreko diru-laguntzaren zenbatekoa honela zehaztuko da: eskatutako irisgarritasun-aurrekontua, 7. artikuluan ezarritakoa aplikatuz kalkulatua, bider 0,75 planen kasuan, eta bider 0,5 obren kasuan.

Salbuespen gisa, degradatutako eremu deklaratuetan edo birgaitze integratukoetan kokatzen diren lanen kasuan eman beharreko diru-laguntzaren kopuru indibiduala zehazteko, eskatutako irisgarritasun-aurrekontua, 7. artikuluan ezarritakoa aplikatuz kalkulatua, bider 0,6 egingo da.

Horrela kalkulaturako zenbatekoen batuketa agindu honetan emandako aurrekontu-zuzkidura baino handiagoa bada, laguntzak honako lehentasun-hurrenkeraren arabera emango dira:

1.– Irisgarritasun-planei buruzko eskabideei emango zaie laguntza lehenengo. Dagoen zuzkiduraren zenbatekoa nahikoa ez bada aurkeztu diren irisgarritasun-planei buruzko eskabide guztiei erantzuteko, zuzkidura proportzionalki hainbanatuko da eskabideen artean.

2.– Irisgarritasun-planerako diru-laguntzak deskontatu ondoren, aurrekontuko zuzkiduraren gainerako zenbatekoa obretarako banatuko da, modu honetan eta multzo hauen arabera:

a) % 35, igogailuak eta hiri-izaerako plataforma jasotzaileak jartzeko.

b) % 30 eraikinen irisgarritasunerako aurreikusitako jarduketetarako.

c) % 20, arrapala ez-mekanikoetarako eta pasabideak eta eskudelak sortzeko, lehentasun-hurrenkera horrekin.

d) % 15, mugigarritasuna murriztuta duten pertsonentzako aparkaleku-erreserbarako, kaleak urbanizatzeko (espaloiak zabaltzea, oinezkoen ibilbideak laburtzen dituzten oinezkoen pasaguneak, kaleetako plataforma bakarra, zuhaitz-txorokoak ixtea) eta eraikinetako seinaleak eta ekipamendua egokitzeke. Egindako zerrendako lehentasun-hurrenkerari jarraituz.

Dagoen zuzkiduraren zenbatekoa nahikoa ez bada adierazitako ataletako batean aurkeztutako eskabide guztiei erantzuteko, lehentasun-hurrenkera honi jarraituko zaio: birgaikuntza integratuko eremuetan edo eremu degradatuetan dauden jarduketei esleituko zaie lehenengo, eta energia eta ingurumenaren iraunkortasunaren alorrean irtenbide berritzaileak dituztenei bigarren, betiere udalerrian dagoen langabezia-ehunekoaren arabera ordenatuta, handienetik txikienera.

Udalerriko langabezia-ehunekoa LANBIDEk (Euskal Enplegu Zerbitzuak) udalerrika sexuaren eta adin-taldearen araberako langabeziari buruz eskabideak aurkezteko epea amaitzen den data-rako argitara emandakoa izango da.

Eskabideen zenbatekoak nahikoak ez badira hobekuntzako obra-multzo bakoitzerako adierazitako ehunekoa osatzeko, soberako zenbatekoa beste multzo bati gehituko zaio, emandako sailkapen-hurrenkeraren arabera, 2a multzotik hasi eta 2d multzoan amaituta.

## 21. artikulua.– Diru-laguntzak ordaintzea.

Kasuan-kasuan emandako diru-laguntza bi zatitan ordainduko da honako prozedura honi jarraikiz:

1.– Irisgarritasun-planen, irisgarritasuna hobetzeko obren eta ekipamenduaren erosketaren eta instalazioaren kasuan, emandako laguntzaren zenbatekoaren % 5 aurreratutako ordainketa gisa pagatuko da, betiere diru-laguntzari berariaz uko egiten ez bazaio 11. artikuluko a) idatzi-zatian aipatzen den moduan, idatzi-zati horretan bertan zehazten den 15 eguneko epea igaro ondoren, eta aurretik erakunde onuradunak aurkeztu baditu gastua egiteko baimena justifikatzen duten agiriak. Euskal Autonomia Erkidegoaren Aurrekontu Orokorren arabera ematen diren diru-laguntzen bermei eta horiek itzultzeari buruzko erregimen orokorra arautzen duen eta horien kudeaketan parte hartzen duten erakunde laguntzaileek bete beharreko baldintzak, erregimena eta eginbeharrak ezartzen dituen abenduaren 17ko 698/1991 Dekretuak ezartzen duen bermeen erregimenarekin bat etorri bermatuko da kopuru hori.

2.– Irisgarritasun-planen kasuan, diru-laguntzaren gainerako zatia 2017ko urtarrilaren 1etik aurrera ordainduko da, betiere lanak amaitu, eta honako dokumentazio hau Etxebizitza Zuzendaritzan aurkeztu ondoren:

a) Fakturen kopiak, administrazioak edo notario batek konpultsatutako, eta formalizatutako kontratuari dagozkion egiaztagiriak.

b) Idatzitako planaren ale bat, formatu digitalean.

c) Erakunde onuradunaren ziurtagiria, non egiaztatuko baita, batetik, emandako diru-laguntzaren helburua eta xedea bete direla, eta, bestetik, zein kopuru erabili diren horretarako.

d) Helburu berbererako emandako bestelako diru-laguntzei buruz erakunde onuradunak egindako justifikazio-ziurtagiria.

Diru-laguntza osoa ordaintzeko eskatutako dokumentuak aurkezteko azken eguna 2017ko abenduaren 5a izango da.

3.– Gainerakoa, hobekuntza-obren eta egokitzapen-ekipamenduaren erosketaren eta instalazioaren kasuan, 2017ko urtarrilaren 1etik aurrera ordainduko da, dagozkion egiaztagiriak aurkeztutakoan. Aurrekontu osoaren % 10 ordaindu gabe gordeko da, obra amaitu arte. Lanak amaitu ondoren, honako dokumentazio hau aurkeztu beharko da Etxebizitza Zuzendaritzan:

a) Egindako jardunen egiaztagirien eta fakturen kopiak, administrazioak edo notario batek konpultsatutako.

b) Argazki-dokumentazioa, paperean eta formatu digitalean (jpg formatuan), egindako obrari buruzkoa eta diruz lagundutako jardunaren xede den inguruneari buruzkoa.

c) Irisgarritasun-obren eta egokitzeko ekipamenduaren erosketaren eta instalazioaren jarraipen-fitxa (eranskin gisa ageri da erredua), behar bezala beteta obren amaierako datuekin.

d) Teknikari eskudun batek egindako ziurtagiria, non egiaztatzen den obra nahiz egokitzeko ekipamenduaren eskuratze eta instalazioa bat datozela Irisgarritasunari buruzko 20/1997 Legearekin, apirilaren 11ko 68/2000 Dekretuarekin, eta Eraikergintzaren Kode Teknikoarekin: DB-SUA.

e) Helburu berbererako emandako beste diru-laguntza batzuei buruzko justifikazio-ziurtagiria.

Diruz laguntzeko moduko obra beste obra handiago baten zati izanez gero, nahikoa izango da diruz laguntzeko moduko obrari dagokion amaierako ziurtagiri partzialarekin.

2016ko irailaren 2a, ostirala

Udalaren berezko langileek egindako obrak baldin badira, egindako obraren ziurtagiria ere aurkeztu beharko da, udal teknikari eskudunak izenpetuta.

Erakunde onuradunaren obra sozietate baten edo foru- nahiz udal-erakunde baten bitartez gauzatzen bada, sozietate edo erakunde hori onartu egingo da titularraren ordezkari gisa, gastua justifikatzeko ziurtagirian edo fakturazioan.

Azken likidazioa egiteko eskatutako dokumentu guztiak aurkezteko azken eguna 2018ko azaroaren 30a izango da.

#### AZKEN XEDAPENETATIK LEHENENGOA

Agindu honetan aurreikusi ez den orori dagokionez, Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legean xedatutakoa aplikatuko da.

#### AZKEN XEDAPENETATIK BIGARRENA

Agindu honek amaiera ematen dio administrazio-bideari, eta, beronen aurka, aukerako berraztertze errekurtsoa aurkez dakioko Enplegu eta Gizarte Politiketako sailburuari, hilabeteko epean; edo, bestela, administrazioarekiko auzi-errekurtsoa aurkeztu daiteke, Euskal Autonomia Erkidegoko Auzitegi Nagusian, bi hilabeteko epean, agindua Euskal Herriko Agintaritzaren Aldizkarian argitaratu eta biharamunetik aurrera.

#### AZKEN XEDAPENETATIK HIRUGARRENA

Agindu honek Euskal Herriko Agintaritzaren Aldizkarian argitaratu eta hurrengo egunetik aurrera izango ditu ondorioak.

Vitoria-Gasteiz, 2016ko uztailaren 8a.

Enplegu eta Gizarte Politiketako sailburua,  
ANGEL TARSICIO TOÑA GÜENAGA.

2016ko irailaren 2a, ostirala

EUSKO JAURLARITZA



GOBIERNO VASCO

ENPLEGU ETA GIZARTE  
POLITIKETAKO SAILA  
Etxebizitza Sailburuordetza  
Etxebizitza Zuzendaritza

DEPARTAMENTO DE EMPLEO Y  
POLÍTICAS SOCIALES  
Viceconsejería de Vivienda  
Dirección de Vivienda

## Eskabidea

## IRISGARRITASUNA BERMATZEKO DIRU-LAGUNTZAK

(\*) nahitaezko eremuak

## Eskatzailea \*

Titularra  Ordezkaría

## Datu pertsonalak

## Titularra

Erakundearen izena \*

Telefonoa

Identifikazio-dokumentua \*

Zenbakia \*

Zein lurralde/probintzian daude erakunde eskatzailearen datu fiskalak \*

## Ordezkaría

Izena / Erakundearen izena \*

Telefonoa

Lehen abizena

Bigarren abizena

Sexua

 Gizona

Identifikazio-dokumentua \*

Zenbakia \*

 Emakumea

## Jakinarazpen eta komunikazioetarako kanala \*

 Posta bidezkoa

Helbidea \*

Zk. \_\_\_\_\_

Sol. \_\_\_\_\_

Letra \_\_\_\_\_

PK \*

Udalerría \*

Probintzia \*

Herrialdea \* ESPAINIA

 Elektronikoa

## Jakinarazpen, komunikazio eta abisuen hizkuntza \*

 Euskara Gaztelania

## Abisuak jasotzeko datuak

Helbide elektronikoa edo SMS bidezko doako abisuen sistema erabili dezakezu. Sistemak abisatu egingo dizu jakinarazpen edo komunikazio bat bidaltzen zaizun bakoitzean.

Helbide elektronikoa edo telefono-zenbaki bat baino gehiago emanaz gero, bereiz itzazu puntu eta koma bidez [;].

**Helbide elektronikoa:** \_\_\_\_\_

**SMSa:** \_\_\_\_\_

## Erantzukizunpeko adierazpenak

### Bateragarritasun-adierazpenak

Erakunde eskatzailea(k):

- Ez da laguntzarik jasotzen ari xede eta helburu berarekin administrazio publikoen edo erakunde pribatuen eskutik.
- Administrazio publiko edo erakunde pribatuen bati laguntza eskatu dio eta eman egin dio (atal honetako datuak "Diruz laguntzea eskatu den jardueraren datuak" eranskinean zehaztu beharko dituzu).
- Administrazio publiko edo erakunde pribatuen bati laguntza eskatu dio, baina erantzunaren zain dago (atal honetako datuak "Diruz laguntzea eskatu den jardueraren datuak" eranskinean zehaztu beharko dituzu).

### Inskripzio-adierazpena

Erakunde eskatzailea legez eratuta dago, eta dagokion erregistroan inskribatuta. Inskripzioaren datuak:

- Euskadiko \_\_\_\_\_ erregistroa.
- Data \_\_\_\_\_

### Bestelako adierazpenak

Aitortzen dut:

- Erakunde eskatzailea(k):
  - Ez dauka diru-laguntza edo laguntza publikoak lortzeko aukera galtzea dakarren zigor penal edo administratiborik.
  - Ez dago diru-laguntza edo laguntza publikoak jasotzeko gaitasunik gabe uzten duten lege-debekuen eraginpean, beren-beregi sexu-diskriminazioagatiko<sup>1</sup> lege-debekuen eraginpean.
  - Egunean ditu indarrean dauden xedapenek ezartzen dituzten zerga-betebeharrak eta Gizarte Segurantzarekikoak, araz zehaztu bezala<sup>2</sup>.
  - Betetzen ditu indarreko legediak laguntza hauek jasotzeko ezarritako baldintzak.
- Benetakoak dira eskabide honetan eta erantsitako dokumentuetan jasotako datuak.

<sup>1</sup> Emakumeen eta Gizonen berdintasunerako otsailaren 18ko 4/2005 Legeak seigarren azken xedapenean dioenaren arabera.

<sup>2</sup> 1/1997 Dekretuaren arabera, deialdia kudeatzen duen organoak berariazko baimenik gabe egiaztatu ahal izango du erakunde eskatzaileak egunean dituela zerga-betebeharrak eta Gizarte Segurantzarekikoak.

2016ko irailaren 2a, ostirala

**Baimenak**

Deialdi hau kudeatzen duen organoari baimena ematen diot dagokion administrazioan honako datu hauek egiaztatzeko, baieztatzeko edo ziurtatzeko, baliabide elektronikoen bidez edo aukeran dauden baliabideen bidez:

 Nortasun-datuak**Aurretik entregatutako dokumentuak**

Dokumentu hauek kontsultatzeko baimena ematen dut:

Dokumentuaren izena	Noiz entregatu zen	Zein erakundetan entregatu zen

\_\_\_\_\_ (Tokia) \_\_\_\_\_ (e)n \_\_\_\_\_ (Data) \_\_\_\_\_ (e)an

(Ordez kariaren sinadura)

## Eskabidea osatzeko argibideak

### Eskatzailea

Erakundeak beti ordezkarri baten bidez aritzen dira, hortaz:

- *Eskatzailea* atalean, aukeratu ezazu *Ordezkarria*.
- *Datu pertsonalak* atalean, bete ezazu *Titularra* atala erakundearen datuekin eta *Ordezkarria* atala zure datuekin.
- Sina ezazu eskabidea.

### Jakinarazpen eta komunikazioetarako kanala

Jakinarazpen eta komunikazioak jasotzeko, aukera hauek dituzu:

**Posta bidezkoa:** *Posta bidezkoa* atalean jarri duzun helbidera igorriko dira.

**Elektronikoa:** [Nire kudeaketak](#) guneko jakinarazpen eta komunikazioen atalera igorriko dira. Han sartzeko, [onartutako ziurtagiri elektronikoa](#) bat izan behar duzu.

Oharra: 10 eguneko epea duzu jakinarazpenera sartzeko; bestela, jakinarazpena errefusatutzat joko da, izapidea egintzat emango da eta prozedurak aurrera egingo du.

2016ko irailaren 2a, ostirala

EUSKO JAURLARITZA



GOBIERNO VASCO

ENPLEGU ETA GIZARTE  
POLITIKETAKO SAILA  
Etxebizitza Sailburuordetza  
Etxebizitza Zuzendaritza

DEPARTAMENTO DE EMPLEO Y  
POLÍTICAS SOCIALES  
Viceconsejería de Vivienda  
Dirección de Vivienda

## DIRUZ LAGUNDU DEN IRISGARRITASUN JARDUERAREN FITXA

Hiri ingurunean eta eraikinetan irisgarritasuna bermatzeko udalenzako eta toki erakunde txikientzako, eta erabilera publikoko erakundeentzako diru laguntza

\_\_\_\_\_ zk. Agindua , \_\_\_\_\_ , \_\_\_\_\_ zk. EHAAn argitaratua

Espedientea	Onuraduna	Lurralde Historikoa

Irisgarritasun jarduera			
Aurkeztutako aurrekontua, zerga eta tasarik gabe			
Esleipenaren aurrekontua, zerga eta tasarik gabe		Esleipen data	Obraren hasiera data
			Gauzatzeko epea
Enpresa			
Gauzatatutako aurrekontua, zerga eta tasarik gabe			

## Beste finantziazio iturriak

Beste laguntzak eskatu dituzu?	<input type="radio"/> Bai <input type="radio"/> Ez	
Zein organismoari?	Eskatutako zenbatekoa	Emandako zenbatekoa
Guztira		



**Aurkeztu beharreko agiriak****Hobekuntza-obren kasuan, egokitzapen-ekipamenduaren erosketa eta instalazioa:**

- Egindako jarduketaren ziurtagirien eta fakturen kopiak
- Egin beharreko obraren eta diru-laguntzaren jardunaren xede den ingurunearen argazki-dokumentazioa paperean eta formatu digitalean (jpg formatua).
- Irisgarritasunerako obraren jarduketaren fitxa, eta egokitzapen-ekipamenduaren erosketa eta instalazioarena, obra-amaierako datuekin behar bezala osatuta.
- Teknikari gaituaren ziurtagiria, ziurtatzen duena obrak betetzen duela 20/1997 Irisgarritasun Legeak, apirilaren 11ko 68/2000 Dekretuak eta Eraikuntzaren Kode Teknikoak, DB-SUAK ezartzen dutena.
- Xede bererako jasotako bestelako diru-laguntzen ziurtagiria.

**Sinatuta:**

Alkatea / entitatearen legezko ordezkaria

2016ko irailaren 2a, ostirala

EUSKO JAURLARITZA



GOBIERNO VASCO

ENPLEGU ETA GIZARTE  
POLITIKETAKO SAILA  
Etxebizitza Sailburuordetza  
Etxebizitza Zuzendaritza

DEPARTAMENTO DE EMPLEO Y  
POLÍTICAS SOCIALES  
Viceconsejería de Vivienda  
Dirección de Vivienda

## DIRUZ LAGUNTZEA ESKATU DEN JARDUERAREN DATUAK

Norentzat: Etxebizitza Zuzendaria  
Enplegu eta Gizarte Politiketako Saila  
Donostia-San Sebastián kalea, 1  
01010 Vitoria-Gasteiz

Hiri ingurunean eta eraikinetan irisgarritasuna bermatzeko udalenzako eta toki erakunde txikienezko, eta erabilera publikoko erakundeentzako diru laguntza.

\_\_\_\_\_ zk. Agindua , \_\_\_\_\_ , \_\_\_\_\_ zk. EHAAn argitaratua

Entitate eskatzailea \_\_\_\_\_

### Jarduera mota

Irisgarritasun plana

Hobetzeko obrak eta ekipamenduak

### Eskatutako irisgarritasun aurrekontua

Jarduera: (Plana (eguneratzea) / Hobetzeko obra eta ekipamendua)

Aurrekontua, zergak eta tasak kenduta (1)		
Irisgarritasun koefizientea (7.2 art.) (2)		
<b>Eska daitekeen irisgarritasun aurrekontua (3) = (1) * (2)</b>		

Irisgarritasun aurrekontua guztira (300.000 € eska daitezke gehienez)

### Beste finantziario iturriak

Beste laguntzak eskatu dituzu?	<input type="radio"/> Bai <input type="radio"/> Ez	
<b>Zein organismoari?</b>	<b>Eskatutako zenbatekoa</b>	<b>Emandako zenbatekoa</b>
<b>Guztira</b>		

**Aurkeztu beharreko agiriak**

- Udal bakoitzak aurkeztuko du udal-zerbitzuen txostena, irisgarritasunari buruz emandako salbuespenetakoa, justifikazioarekin batera, deialdi honen aurreko urtean, egiaztatzen duena betetzen duela 68/2000 Dekretuaren 3. artikuluko 3.3 atalak dioena.

**Irisgarritasun planak:**

- Egiteko eta idazteko gastuen aurrekontu xehatua

**Hobetzeko obrak eta ekipamenduak:**

- Finantzatzeko eskatuko den diru-laguntza jasoko duten inbertsioen edota jardunen gastuen aurrekontu xehatua. Irisgarritasun aurrekontua kalkulatzeko koefiziente ezberdinak erabili direla justifikatuko da.

- Egin beharreko jardunen deskribapen xehatua, 1/1000 gutxieneko eskalan egin beharreko jardunaren hiri-ingurunearen egoera-planoa, 1/100 gutxieneko eskalan egin beharreko planta, aurretiko bista eta sekzioen plano deskribatzaileak eta jardun-arloaren egungo egoeraren argazki deskribatzaileak. Halakorik badago, energia aurrezteko eta ingurumena babesteko irtenbide berritzaileak zehaztea.

- Teknikari eskudunak emandako ziurtagiria irisgarritasunaren sustapenaren arloan indarrean dagoen araudiak eskaturiko eskakizun eta irizpideetarako aurreikusiriko jardunen egokitzapenari buruz.

- Erakunde pribatuek izan ezik, diru-laguntzaren eskaeraren xede den obra jasotzen duen irisgarritasun-plan onetsia. Bestalde, plana onetsi izanaren ziurtagiria eta irisgarritasun-planaren kopia formatu digitalean, aurreko urteetako deialdietan aurkeztu ez bada.

- Egin beharreko obraren eta diru-laguntzaren jardunaren xede den ingurunearen argazki-dokumentazioa paperean eta formatu digitalean (jpg formatua).

- Dagokionean, Area Degradatuaren edo Birgaitze Integratuko Arearen Deklarazioa.

- Helburu sozialetarako erabilera publikoko erakunde pribatuen kasuan, Erakundea eraikina erabiltzera, Erakundearen helburuak garatzeko, baimentzen duen titulua.

- Elkarrekin Herri-onura aitortzeko ziurtagiria aurkeztu behar dute uztailaren 29ko 146/2008 Dekretuaren arabera, zeinaren bitartez onartzen den Onura Publikoko Elkarrekin eta beren Babesletzari buruzko Erregelamendua.

- Eraikinentzat, bete behar da Etxebizitzari buruzko ekainaren 18ko 3/2015 Legea, 2014ko maiatzaren 20ko autonomiako Dekretua eta haren laugarren xedapen gehigarria, laguntza publikoak jasotzeko EAT (Eraikinaren Azterketa Teknikoa) egitearen derrigortasunari buruzkoa. Estructura edo eraikuntzaren aldetik egokituta ez dauden eraikinek ezin izango dute jaso diru-laguntza, ez badute sartzen jardunean EATn eskatu edo gomendatutako baldintza horiek lortzeko beharrezkoak diren obrak.

(e)n

(e)an

**Sinatuta:**

Alkatea / entitatearen legezko ordezkaria